



Broj: 01/02-02-8943-2-3/17
Zenica, 25.07.2017. godine

ZENIČKO-DOBOJSKI KANTON

Vlada Kantona
Stručna služba Vlade
n/r sekretara

PREDMET: Amandmani poslanika Samira Lemeša i Rifata Delića na Prijedlog Zakona o osnovnoj školi – dostavljaju se

U prilogu ovog dopisa, dostavljamo Vam **Amandmane poslanika Samira Lemeša i Rifata Delića na Prijedlog Zakona o osnovnoj školi**, a radi izjašnjenja Vlade Kantona po istim, u skladu sa odredbama članova 138. i 139. Poslovnika Skupštine Zeničko-dobojskog kantona -Novi Prečišćeni tekst («Službene novine Zeničko-dobojskog kantona», broj: 7/12 i 12/13).

Molimo vas da nam izjašnjenje Vlade Kantona po navedenim amandmanima dostavite blagovremeno, **najkasnije 24 sata prije održavanja sjednice Skupštine na kojoj će se razmatrati Prijedlog Zakona na koji su podneseni amandmani**, (odnosno prije početka održavanja 45. sjednice Skupštine zakazane za dan 28.07.2017. godine, poslije završetka nastavka 44. sjednice Skupštine koji je zakazana za isti dan u 10,00 sati), kako bi isto moglo blagovremeno iskopirati i podijeliti svim poslanicima Skupštine, prije početka navedene sjednice.

S poštovanjem,

PRILOG: Kao u dopisu



Dostavljeno:

- 1 x Naslovu,
- 1 x Ministarstvo za obrazovanje, nauku, kulturu i sport,
- 1 x Svim poslanicima Skupštine/**05-03**
- 1 x Svim članovima Zakonodavno-pravne komisije/**04-01**
- 1 x **02**,
- 1 x U spis predmeta **45. sjednice Skupštine/05-03**

Ibrahim Avdagic

From: "Samir Lemes" <slemes@gmail.com>
Date: utorak, 25. juli 2017. 09:41
To: <marija.lukes@zdk.ba>; "Ibro Avdagic" <ibrahim.avdagic@zdk.ba>; <sanela.ahmic@zdk.ba>; <jasmin.duvnjak@zdk.ba>
Cc: <midhat.delic@zdk.ba>; "Drazenka Subasic" <drazenka.subasic@zdk.ba>; "Lejla Imamovic" <layla_xl@hotmail.com>
Attach: Amandmani na Zakon o srednjoj skoli Samir Lemes.pdf; Amandmani na Zakon o osnovnoj skoli Samir Lemes.pdf
Subject: Amandmani na prijedloge zakona o osnovnoj i o srednjoj školi

Poštovani,


U prilogu dostavljam amandmane na Prijedlog zakona o osnovnoj školi i na Prijedlog zakona o srednjoj školi.

s poštovanjem,
Samir Lemeš

SRPNA ŽUPANIJA - DRŽAVNA UPRAVA			
Prijava: 25.07.2017.			
Org. jed.	Proj.	Podj.	Vrijednost
01-	02-	8943-	2-1/17

Samir Lemeš
poslanik u Skupštini Zeničko-dobojskog kantona

Zenica, dana 25.7.2017



SKUPŠTINI ZENIČKO-DOBOJSKOG KANTONA

Predmet: Amandmani na Prijedlog Zakona o osnovnoj školi, dostavljaju se

U skladu s odredbom člana 133 Poslovnika Skupštine ZDK – novi prečišćeni tekst (Sl. novine ZDK 7/12, 12/13), podnosim amandmane na Prijedlog Zakona o osnovnoj školi, kako slijedi:

AMANDMAN I

U članu 36, iza stava (2) dodaje se novi stav:

"(3) Organizacija vannastavnih aktivnosti ulazi u normu sate u skladu s Pedagoškim standardima."

Stavovi (3) do (7) postaju stavovi (4) do (8).

AMANDMAN II

U članu 40 dodaje se novi stav:

"(4) Škole su dužne poduzeti sve raspoložive mjere kako masa školske torbe sa udžbenicima, sveskama i drugim obaveznim priborom koje su učenici obavezni nositi, ne prelazi 10% prosječne mase učenika za dati uzrast."

AMANDMAN III

U članu 67 stav (3), poslije alineje g) dodaje se tekst:

"h) organizuju vannastavne aktivnosti iz člana 36 ovog Zakona i učestvuju u realizaciji tih aktivnosti".

Alineja h) postaje alineja i).

AMANDMAN IV

U članu 72, na kraju stava (3) dodaje se tekst ", te na zvaničnoj web stranici Zeničko-dobojskog kantona."

U članu 72, na kraju stava (4) dodaje se tekst ", te na zvaničnoj web stranici Zeničko-dobojskog kantona."

Obrazloženje:

AMANDMAN I: Ovim rješenjem motivisat će se nastavnici da organizuju i potiču učenike na vannastavne aktivnosti, a olakšava se ispunjavanje norme za nastavnike kojima nedostaje mali broj sati. Umjesto da rade u 2-3 različite škole da bi ispunili normu, nastavnici bi normu mogli ispuniti pripremom učenika za takmičenja, i organizacijom drugih vannastavnih aktivnosti.

AMANDMAN II: Zbog preteških školskih torbi dolazi do krivljenja kičme i drugih zdravstvenih problema, tako da treba poduzeti mjere kako bi se to spriječilo. Raspoložive mjere mogu biti:

- za jedan nastavni predmet ne smije se koristiti više od 1 udžbenika i 1 radne sveske
- škole mogu obezbijediti ormariće u kojima bi se čuvali preteški udžbenici i nastavni pribor da ih učenici ne bi morali nositi kući
- prilikom kreiranja nastavnih planova obezbijediti minimalni broj sati tjelesnog odgoja, sa odgovarajućim sadržajima (tjelesne vježbe, joga i sl.) koji bi uklonili posljedice nošenja preteških torbi
- umjesto štampanih mogu se koristiti elektronski udžbenici, itd.

AMANDMAN III: Isto obrazloženje kao u Amandmanu I.

AMANDMAN IV: Da bi se obezbijedila transparentnost pri zapošljavanju, treba koristiti raspoložive tehnologije, koje ne povećavaju troškove, a omogućuju veću pokrivenost javnosti. Prema podacima Regulatorne agencije za komunikacije BiH, u 2016. godini u BiH je bilo 2.909.236 korisnika interneta, što znači da je ovo najdostupniji način komunikacije.

S poštovanjem,

poslanik Samir Lemeš

Ibrahim Avdagic

From: "Rifat Delić" <r.delic@outlook.com>
Date: utorak, 25. juli 2017. 09:53
To: "Ibrahim Avdagic" <ibrahim.avdagic@zdk.ba>; "sekretar Skupstine ZDK" <ibrahim.avdagic@yahoo.com>; "MARIJA LUKES" <marija.lukes@zdk.ba>; "Sanela Ahmic" <sanela.ahmic@zdk.ba>
Attach: Amandmani.doc
Subject: Amandmani

Postovani,

u priilogu saljem Amandmane na Prijedlog Zakona o Osnovnoj školi.

Lp,

Rifat Delić

SKUPŠTINA ŽENIČKO-POSUŠKI ŽUPANIJE			
Primljeno: 25.07.2017.			
Org. jed.	Broj	Info	Viš. čimbenik
01-02	-	8043	3-1/12

Rifat Delić
Zastupnik u skupštini ZE-DO kantona

Presjedavajućem skupštine ZE-DO kantona
Sekretaru skupštine ZE-DO kantona

SKUPŠTINA ZENIČKO - DOBOJSKOG KANTONA			
Primijeno: 25.07.2012.			
Org. jed.	Broj	Prilog	Vrijednost
01-02-8343			3/14

PREDMET: AMANDMANI

Na osnovu člana 133. i člana 134. Poslovnika Skupštine Zeničko – dobojskog kantona, podnosim slijedeće Amandmane na prijedlog zakona o Osnovnoj školi:

AMANDMAN I

U članu 12., iza stava 4., dodaje se novi stav 5. koji glasi:

„Učenicima nižih razreda (od prvog do petog) pripadajućeg upisno – gravitacionog područja, bez obzira na udaljenost od škole, osnivač je dužan osigurati besplatan prijevoz“.

Postojeći stavovi 5., 6., postaju stavovi 6., 7. .

Obrazloženje

Zbog sigurnosti djece na putu do škole, a s obzirom da je osnovno obrazovanje i obavezno, neophodno je toj kategoriji učenika obezbijediti besplatan prijevoz do škole. Veliki broj škola, na području ZDK se nalazi pored izuzetno prometnih regionalnih i magistralnih cesta, koje su u prilično lošem stanju, bez trotoara, pa čak i bijelih krajnjih linija.

Kretanje djece tim cestama predstavlja stalnu ugroženost njihovih života, jer u toj dobi, oni nisu sposobni da sami vode brigu o svojoj bezbjednosti. S obzirom na brojne postojeće područne škole i sve manji broj djece; za realizaciju ovog amandmana nisu potrebna velika finansijska sredstva i mogu se unutar njim preraspodjelama obezbijediti.

AMANDMAN II

U članu 32., stav 1. koji glasi:

„Zimski odmor za učenike Osnovne škole traje tri sedmice, proljetni odmor jednu sedmicu, a ljetni odmor traje od završetka nastavne godine do početka nove školske godine“.

mijenja se i glasi:

„Zimski odmor za učenike Osnovne škole traje tri sedmice, a ljetni odmor traje od završetka nastavne godine do početka nove školske godine“.

Stav 3 se briše.

Obrazloženje

S obzirom da u praksi, prije nekoliko godina, uvedeni proljetni raspust nije ni kod nastavnika, a ni učenika i roditelja, donio očekivane promjene na bolje, a brojnim razgovorima sa prosvjetnim radnicima, opće je mišljenje da bi nastavni proces bio efikasniji bez jednosedmičnog proljetnog prekida.

AMANDMAN III

Član 93., stav 1. koji glasi:

*„Školski odbor Osnovne škole, kao Javne ustanove broji 5 članova i to :
Jedan predstavnik osnivača kojeg predlaže Ministarstvo, jedan predstavnik lokalne zajednice, jedan predstavnik Vijeća roditelja učenika Osnovne škole na prijedlog Vijeća roditelja i dva predstavnika škole koji se biraju iz reda nastavnika, stručnih saradnika i saradnika škole na prijedlog Nastavnog vijeća i ostalih uposlenika škole“.*

mijenja se i glasi:

*„Školski odbor Osnovne škole, kao Javne ustanove broji 5 članova i to :
Jedan predstavnik osnivača kojeg predlaže Ministarstvo, jedan predstavnik lokalne zajednice, koji je nastanjen na upisno-gravitacionom području škole, a predlaže ga savjet(i) mjesne(ih) zajednice(a) gdje škola gravitira, jedan predstavnik vijeća roditelja učenika Osnovne škole na prijedlog vijeća roditelja i dva predstavnika škole koji se biraju iz reda svih uposlenika škole, osim direktora i pomoćnika direktora škole, na prijedlog nastavnog vijeća“.*

Obrazloženje

Predstavnik lokalne zajednice mora biti osoba koja je nastanjena na upisno-gravitacionom području škole, a shodno tome treba biti i predložen od strane savjeta

mjesne(ih) zajednice(a). Svi uposlenici škole treba da imaju mogućnost biranja i da budu birani u školski odbor, osim direktora i pomoćnika direktora.

AMANDMAN IV

Član 95., stav 3. koji glasi:

„Obavljanje dužnosti člana školskog odbora je dobrovoljno i besplatno“.

mijenja se i glasi:

„Predsjednik i članovi školskog odbora, za rad u školskom odboru primaju naknadu, koju utvrđuje Vlada kantona na prijedlog Ministarstva“.

Obrazloženje

Školski odbori imaju izuzetno obimne nadležnosti, a jedini su odbori, čiji članovi za svoj rad ne primaju nikakvu naknadu. S obzirom da svi drugi upravni, nadzorni, neovisni i kojekakvi drugi odbori i brojne komisije koje imenuje Vlada i Ministarstva, svoj rad debelo naplaćuju i članovi školskih odbora moraju ravnopravno učestvovati u raspodjeli sredstava za naknade.